

譚友夏合集目錄 卷五

嶽歸堂新詩

五言絕句

伯敬書武夷一景寄蔡先生先生以授其婿

林觀曾題之

其二

湯陰過嵇紹墓

其二

其三

過葛震父客舍見紫薇心動各題二絕句

其二

題張葆生贈畫

伯敬畫林巖見貽予兩住司直園舉以爲贈

因題二絕

其二

酬張龍生製裘

卷中七詩爲武陵姬秋水詠

其二

其三

其四

其五

其六

其七

六言絕句

園中

答俗人

倪航晚歸偶題

茶瓜

丁卯夏日有感

贈居易

七言絕句

戲別姪簡兒

沙河過佛圖澄洗腸處

贈熊尙書非所

郭聖胎齋中有石似佛骨詠之

入西山

入水源

由香山上洪光尋徑

登車時楊心湄大行送綿

報國寺看松留別陶公亮于司直

夜宿長店書付倪不離還京

送友人遊少室

病中隔壁聞袁郎與諸女兒歌笑

與友詩三十首

其二

其三

其四

其五

其六

其七

其八

其九

其十

其十一

其十二

其十三

其十四

其十五

其十六

其十七

其十八

其十九

其二十

其二十一

其二十二

其二十三

其二十四

其二十五

其二十六

其二十七

其二十八

其二十九

其三十

送徐聞復自當陽還金陵

其二

客樓

鶴吟四首

其二

其三

其四

逢魏水從妹塔還申山

趁風過岳陽示僧寒碧

重過洞庭

洞庭舟中示琴伴徐客之

湘雨歎二首

其二

潭發留別謝仲玉易順之周伯孔宜一仲辰

秋若諸子返棹湖岳堂作

登覽昭山

岳麓山下送周宜一還棹

四月八日過洞庭湖

園居答車孝則遠詩相質

至郢東葉玄胎明府

伯敬在日歲以采芥茶寄書徐元歎名曰茶

訊雨前有感寄訂元歎

譚友夏合集 卷五 目錄

譚友夏合集 卷五

嶽歸堂新詩

竟陵 譚元春友夏著

五言絕句

伯敬畫武夷一景寄蔡先生先生以授其僧林觀曾題之
他山宜畫水。武夷宜畫石。武夷溪水深。石少空天碧。

其二

藏自冰心入。入君玉潤手。半天冰玉光。先被溪山有。
湯陰過橋紹墓

堪羨侍中血。原從叔夜來。若非高士種。忠勇許誰開。
其二

此衣飛野烟。此血流中夏。三年碧易成。頗笑袁弘化。
其三

殞讒與殞仇。同覺心無徙。賀君新卜鄰。前得岳王里。
過葛震父客舍見紫薇心勸客題二絕句

入戶微光迫。蕭蕭烈日中。一紅意無已。知必立秋風。

其二

君與數枝花。長安不多有。明月滿今宵。照紅成碧否。
題張葆生贈畫

山居望我來。先指行吟處。舟發是何辰。山陰從此去。

伯敬畫林巖見貽予兩住司直園舉以爲贈因題二絕

旣愛長安月。又愛長安霜。攜來好東絹。同發暮秋光。

其二

不好寫槎枒。吐成蒼潔影。層層託贈深。千里通林嶺。

酬張龍生製裘

改作拜君心。近身溫似氎。高嚴是敝裘。肯向霜前脫。

巷中七詩爲武陵姬秋水詠（有引）

客鼎識秋水。嘉乃志也。出巷中七題吟者。難暢爲之構染。已播在人口。筭無稿也。別去秋水。塚生草矣。思

舊詩。略記大意。聲聲在治詞外。酒酣重拈。頗超向聲。焚之燈前。秋水夢謝予乎。

銅夾念珠鳴香燈心不已。未知學無生。誓同播塔死。（念佛）

其二

一罐江南信。渚茶香透頸。五遊河汾歸。汲有崔嵬井。（煮茶）

其三

驚喜拜苔箋。吟聲隨拜落。謂是昔人詩。焉知是郎作。（寫字）

樺燭照殘局。娉婷下子微。旁人莫相助。要取郎相圍。（圍碁）

其五

有郎愛絃索。北調久無傳。恨學江南曲。聲聲帶可憐。（度曲）

其六

開合少人爲。志誠生倏忽。郎若作羸時。相看翻咄咄。（搆陳）

其七

月明夜夜吹。能和歌喉響。天上苦難嬉。莫隨簫史往。（吹簫）

六言絕句

園中

柴門未破先改。橋木將欹始安。夜燭每臨水次。午餐多在林塢。

答俗人

家添鶴鹿三口。僧與琴書半船。問古人中孰比。野夫行徑多偏。

倪航晚歸偶題

橋煙閣月差富。竹蠶蓮舟亦榮。婚宦微乖素尚。懷安用敗浮名。

茶瓜

茶瓜楚楚無客。桑柘陰陰及鄰。老圃老農後輩。住谿住寺前因。

丁卯夏日有感

誰容買傳多淚。願學焦先不言。野性先疎塵弔。幽居厭聽寒溫。

贈居易

古道無妨弟畜。淵人久欲師承。巾車百里相訪。歸課兒書佛燈。

七言絕句

戲別姪簡兒

牽來左右神皆聳。喜有奇駒送遠行。伯父一呼予悵悵。人生易老是茲名。

沙河過佛圖澄洗腸處

腸在衆生伴煖熱。一天陰穢盡藏身。異僧出度無他法。臨水肝腸洗示人。

贈熊尙書非所

顏笑魂飛湯火句。喜聞烽靜任身危。明君執政俱無意。自是龍泉在匣時。

郭聖胎齋中有石似佛骨詠之

泉侵蘚蝕悟無生。空谷原無想與情。天地自然同石結。始知中土佛先成。

入西山

可慚塵土埋春夏。留得秋心與好山。蒼翠此中迎太急。野雲相愛不曾閒。

入水源

嵐交四野雨初歸。濕滿幽崖日抱暉。寺寺秋深深不得。蜻蜒蝴蝶煖中飛。

登登物物是森森。攜有泉源到樹音。松柏午天皆暮色。誘人風雨晚秋心。
登車時。楊心涓。大行送綿。

尋常着線添綿語。事到長安亦頗難。纔說還鄉身盡煖。因君款款悟霜寒。
報國寺看松留別陶子亮于司直。

秋光盡處接松辰。枝縱枝橫無四隣。星日風烟俱一變。恥從奇物訴離人。
夜宿長店書付倪不離還京。

桑乾欲渡殊難渡。檢校雞聲上旅愁。回憶出城橋兩處。高粱愛客勝盧溝。
送友人遊少室。

贈雲休望陶居士。賣屨新逢朱逸人。自恨壺中天未滿。遍行嵩少慰清貧。
病中隔壁聞袁郎與諸女兒歌笑。

虎丘殘雁段橋驚。似許今宵雜夢行。不忿秋燈增客病。細吹檀板合蛩聲。

喪友詩三十首（有引）

喪友者。喪鍾子伯敬也。予與鍾子交。庶爲近古。起萬歷乙巳。訖天啓乙丑。蓋二十有一年。交終矣。循省情事。每別必思。思必求聚。將聚必倚檻而待。聚必盡其歡。歡必相莊。片語出示。作者敘容。一過相規。旁人失色。於是天下人皆曰。此二子眞朋友也。客有善諧者。鍾子笑應曰。吾兩人交。所謂雖蘇張不能間也。鍾子死。予亦年四十。不能多哭。又不能已。乃漫筆依上下平韻爲絕句。告其柩焉。

兩人生死獲交終。不問誰亨與孰窮。同守一槃茶果缺。亂書堆裏眼忽忽。

其二

含烟共賞玉泉松。帶月同驚牛首鐘。小水小山容易聚。高人五岳卽孤筇。〔君遊岱子遊衡有岱衡集

其三

生樂江南死故邦。奇踪漸老自情降。牽回黃鵠磯頭舫。春水宵宵打漢江。

其四

曾商對結兩茆茨。又欲開軒共柳枝。如此晨昏眞異蹟。空留願力照臺池。

其五

頻到園居不報扉。燕行蜀返與閩歸。家人卽出魚殮待。別遣兒童上市糈。

其六

恥用浮文掩性疎。甘將命相入孤蘆。年雖半百天無力。歲歲沈痾夜夜書。

其七

形人未免文章好。愛世多將禮數無。官罷禍輕身便死。可知天意黨凡愚。

其八

局閒觀嚼念蒸黎。寇盜衣冠着處迷。殷浩謝安書數紙。右軍通識不沾泥。

其九

似官似客水邊齋。香笑船過養靜懷。深夜史書書細字。破窗燈火壓秦淮。〔君讀史白門著史懷二十卷〕

其十

影抱羸骸寒似梅。日驅寸管走雲雷。詞場氣魄爭門徑。逢爾幽吟入不來。

清朝水火偶驚隣。仕路波濤益愴神。幾度規君君亦悔。簡交常有誤交人。

其十二

角巾相傲俗紛紛。道廣交浮事厭聞。名刺未通翻薦禰。目君爲冷豈知君。

其十三

苦雨酸風不再煩。荆花零落雁迷村。猶餘一弟僧行逕。洗鉢然燈晝掩門。（君五弟快長齋持戒）

其十四

朝雲解事死方安。阿鶩灰心嫁亦難。謝卻蘭筇久不畫。獨留春倦與秋寒。（謂吳姬孟子）

其十五

胸盪春雲溪水灣。武夷遊後絕躋攀。餘情不肯同流俗。咄咄倪黃數筆山。

其十六

忍手楞嚴只漠然。天台未見拜年年。飢思倦想無他物。夜夢經行兜率天。（君夢說經兜率著有楞嚴經說）

其十七

十餘年內事三朝。笑看長安弈手驕。身迫諸緣香一炷。天陰夜短易香消。

其十八

冰中炭卽漆中膠。下石人傳是舊交。閱盡冤親心始悟。畏人予亦築江郊。

其十九

蔡公今古義常高。一騎雙函發沔臯。君死尙無幽夢往。書來多是羨蓬蒿。（謂蔡敬夫先生）

其二十

手植園荆長嫩柯。弟兄持此感人多。全家愛把君文字。坐向白雲秋水歌。（手植園荆君贈舍弟詩也）

其二十一

貞曜先生宜有友。鹿門居士本無家。雲天一慟不能止。記憶纖毫莫細嗟。

其二十二

開卷茫茫檢和章。新箋舊軸動盈筐。欲將最入幽微處。寫向僧菴佛閣藏。

其二十三

被人相強立虛名。劉白韓張喚一生。美恥同歸讒獨受。此中真賞在孤行。

其二十四

安能記此到幽冥。鳥散雲飛豈暫停。欲望來生兄弟聚。子瞻癡想不堪聽。（寄予書語）

其二十五

賀子三春許共燈。徐郎九月說檐簷。人生健日蹉跎極。相約衰時待不能。（永新賀中男姑蘇徐波皆君道

友）

其二十六

好風好月罷同游。猶記梁溪一段愁。我上江湖君下越。兩帆風順各開舟。

其二十七

也怪伯牙說廢琴。山川滿指是君心。深悲極報從茲覺。珍重五絃音外音。

其二十八

名斷殘

爲文告佛願投菴。世世生。生掃佛龕。再作文人君莫受。怕從絲盡了春蠶。君將逝爲告佛文發願受戒法

其二十九

夢宜頻到月侵簾。魂若相窺葉落檐。鴈鳥一聲埋買誼。彩毫十束葬江淹。

其三十

讒人從此不須說。泉去山扉風去帆。潛步吞聲何處好。微生有命託長饒。送徐聞復自當陽還金陵。

其二

雉鳴鷺長若相關。君有鄉心我有閒。同去曲沮原上戲。也如笛步望鍾山。白門音斷十年餘。君去逢人應問予。師友新亡生白髮。編來封入故人書。

客樓

沮漳作客寸心微。纔上樓時翠已圍。最愛人工空外滿。風驚響鶴破天飛。

鶴吟四首

貧家愛與鶴分田。也向閒溪製釣船。塔下偶來飼顆粒。怕將煙火累臙仙。

其二

鶴雪相宜一片凝。但愁缸水凍晨興。渴來不用瓶他汲。待爾鏗鏗自鑿冰。

其三

經句未編鬚聞白。月月難忘剪鶴翎。鶴不令飛鬚再出。翹人心事未全停。

其四

村屋如山徹夜晴。曉眠慵起愛窗明。不知空響誰教觸。春磬一聲鶴一聲。
送魏水從妹壻還申山

妹將箕箒遠依君。家入申山純是雲。老桂深松蟠數里。未過先喜向僧聞。
趁風過岳陽示僧寒碧

纔向巴丘趨鹿角。岳陽樓下去恩恩。湘君廟遠帆邊祭。怪有閒僧怨順風。
重過洞庭

曾遊夢嶺後山登。悔失三天門未升。卻又過湖逢水小。君山樺燁見春燈。
洞庭舟中示琴伴涂客之

十四年前獨往時。不堪心緒被琴知。囊琴且住洋洋手。怕動湘君往日思。
湘雨歎二首

青袍素鞵常兼着。白鬢紅顏偶雜居。涕淚忽盈春雨夜。昨宵歌笑是何如。
其二

一城人隔雨聲邊。高唱閒情出自然。怕遣爐香來擾坐。終朝寂寂是湘天。
譚發留別謝仲玉易順之周伯孔宜一仲辰秋若諸子返棹湖岳堂作

客放船歸天放晴。仍飛密雨切羣情。此中師友誰先定。何可山川少恨聲。
登覽昭山

煙急茶爐僧木末。雨腥漁屋瘦峯腰。花開花落知何事。草扼泉鳴問去昭。

岳麓山下送周宜一還棹

維舟柳港愛山邊。笑語紛紛就醉眠。昨見茶蘼黃一架。送君心到野塘天。

四月八日過洞庭湖

碧空晴遠露鷗身。柔艣輕風去若津。香縷未消湖便過。方知帝子佛門人。
園居答車孝則遠詩相質

野塘遙岸想形神。一僕囊詩過洞庭。正值寒河新句就。也無人看立茅亭。

至鄧東葉玄貽明府

天教卓魯寬饑歲。性癖江山閉晚衙。欲信君才非吏俗。看予如訪故人家。

伯敬在日歲以采畧茶寄書徐元歎名曰茶訊雨前有盛寄訂元歎

泉烹雨采弄幽姿。頗爲生慚陋季疵。歲歲楓橋僧俗路。幾人魂魄在茶時。

譯友叢合集 卷五